

新式標點

六朝文繫

掃葉山房發行

新式標點 詳註十子全書

全部十種……十五厚冊……共計大洋九元
另五分

預約——祇收——大洋四元五角——
另贈錦盒兩大只寄費四角

另售每種照定價六折——寄費加一——陰
歷四月底出版預約同時截止

王先謙註	莊子集解	一冊	定價八角
王先謙註	荀子集解	三冊	定價一元八角
王先謙註	韓非子集解	二冊	定價一元五角
列子註		一冊	定價四角
孫子十家註		二冊	定價一元四角
揚子法言		一冊	定價二角五分
呂氏春秋		二冊	定價一元二角
晏子春秋		一冊	定價七角
老子道德經		一冊	定價二角
墨子註		一冊	定價八角

新式標點 十大名著叢刊

全部十種……十一厚冊……共計定價大洋
五元六角五分

預約——祇收大洋二元八角——另贈
錦盒一大只寄費二角

另售每種照定價六折——寄費加一——陰
歷四月底出版預約同時截止

王充論衡		二冊	定價一元二角
六朝文絮		一冊	定價三角
古文筆法		一冊	定價六角
文心雕龍		一冊	定價八角
史記菁華錄		一冊	定價五角
鄭板橋全集		一冊	定價四角
板橋雜記		一冊	定價一角五分
搜神記		一冊	定價六角
秋水軒尺牘		一冊	定價五角
袁子才尺牘		一冊	定價五角

原敍

余蓋深韙乎劉舍人之言也，析詞尙絜。然則文至六朝絜矣乎？曰：『繁冗莫六朝若矣！』或曰：『既繁冗之，復絜名之，厥又何說？』曰：『繁冗奚慮？夫蹊要所司職在鎔裁，雍繁冗而絜是弋，則絜者彌絜矣，繁冗奚慮哉？往余齒舞勺，輒喜繹徐庾諸家文，塾師禁弗與，夜篝鐙竊記之，始未嘗不貽盲者鏡，予楚者履也。習稍稍久，恍然於三唐窠竅，未有不貽息六朝者。由此上泝漢魏裕如爾。歲丙寅，輯選斯帙，不揆窳陋，爲甄別其義，迄今二十禩矣，易稿者數四。凡讎句比字，捃理務覈，然猶媿未瘳其戡爲歉歉也。今年春，眎朱君小漚。小漚喜欲狂，亟鳩工鐫版，閱七月歲事。小漚曰：『子盍不駢言於首乎？』余曰：『是猶鳥雀於佛髻放糞矣，詎非以不

絮者類絮耶？」不獲已，姑錯落贅數語。」

道光五年歲在旃蒙作噩壯月海昌許槌書於古韻閣之南榮。

新序

行文之法，文氣貴乎道勁，風骨貴乎軒昂，詞采貴乎藻麗，音節貴乎清明；駢體若是，散文亦莫不若是。然散文而欲求文氣道勁，風骨軒昂，詞采藻麗，音節清明，非多讀駢體文莫辨。蓋駢體：簡渾明淨，文氣所以道勁也；蓄勢充足，風骨所以軒昂也；對偶成文，詞采所以藻麗也；相間爲韻，音節所以清明也。故歷代重之！而以此負盛名者，亦代有其人；終不逮六朝之道勁、軒昂、藻麗、清明，豈時運所使然哉！許珊林太守所選之六朝文繫，抉擇精詳，取材嚴謹，不啻剝膚存液，去粕留精。六朝之結晶品，殆在是矣。其間文氣之道勁，風骨之軒昂，詞采之藻麗，音節之清明；盡足以資法則，利準繩，益智慧，濬文思。故當時治駢體者，均奉爲圭臬；事

散文者，亦靡不引爲正宗。但近代潮流所趨，輒以此種文字，奧晦深微，讀之不得要領，屏而棄之，視荆璞夜光，同於瓦礫；鷄彝龍句，等諸盤匱。嗚呼！風雨飄搖，斯文墜矣！僕不材，敢以老馬自任，爲懸的以求其合，附加新式標點。舉凡句讀起訖，姓氏地輿，以及特別名詞，引證成語，悉標而明之，使讀者有所塗徑，而融會貫通之；再進而求文氣、風骨、詞采、音節，則必遒勁、軒昂、藻麗、清明矣。何患乎無左右逢源之樂哉！乙丑秋月陳益序。

新式標點符號說明表

- 一， 表一頓或一讀。
- 一． 表文句之收束。
- 一； 表含有幾個小讀之長讀，及平行句。
- 一： 表冒下文。
- 一？ 表疑問。
- 一！ 表驚嘆，願望，命令。
- 一〇〇 表直接會話及引用語；而特別之語句，亦有時用之。
- 一二 表間接會話及引用語。
- 一一 表私名號。
- 一一 表地名。

一『 表朝代名或國名。

一『 表書名及篇名。

一』 表年號。

作者小傳

吾人欲讀一文，必先閱作者爲何人，然後朗誦之。蓋作者於文，並非肆筆空言，必有所寄寓；跡其所寄寓而探索之，庶乎得其文章之要領矣。以此知文與作者之關係，極爲重大，豈可讀其文而不略識其生平事蹟乎！茲將本書作者姓氏里籍官爵及其行物品性等等，臚列如左，以供讀者參考，當亦莘莘學子所歡迎也。至其次序，以本書所見之先後爲衡。

鮑

照 宋東海人，字明遠，文辭瞻麗。文帝時爲中書舍人。後臨

海王子頊爲荊州，照爲前軍參軍。子頊敗，照爲亂軍所殺。有

鮑參軍集。

謝

莊 宋弘微子，字希逸。七歲能屬文。文帝見而異之，歎曰：

『藍田生玉，豈虛也哉！』元嘉中除太子中庶子。時南平王鐸獻赤鸚鵡，徧詔羣臣爲賦。袁淑文冠當時，作賦畢，示莊。及見莊賦，歎曰：『江東無我，卿當獨秀；我若無卿，亦一時之傑。』遂隱其賦。歷官吏部尙書，卒諡憲。

梁元帝 梁武帝第七子，名繹，字世誠。初封湘東王。侯景既廢簡文帝，又廢豫章王而自立。帝命王僧辨平景，遂卽位於江陵。西魏伐梁，百道攻城，帝猶口占爲詩。及城陷，帝焚古今圖書十四萬卷，歎曰：『讀書萬卷，猶有今日。』尋爲魏人所殺。在位三年，諡孝元。所著有孝德傳、忠臣傳等十餘種。

江淹 梁考城人，字文通。官至金紫光祿大夫。少以文章著顯，晚年才思漸退，詩文無佳句，時人謂之才盡。

沈約 梁吳興人，字休文。少爲蔡興宗所知，引爲安西記室，梁興，稍遷至侍中丹陽尹建昌侯。卒諡隱。

庾信 字子山，父肩吾，爲梁太子中庶子，東海徐摛爲右衛率。摛子陵及信，並爲抄撰學士，出入禁闥，恩禮莫比，文並綺艷，世號徐庾體。元帝中，聘於西魏，屬大軍南討，遂留長安。累遷驃騎將軍，開府儀同三司，進爵義城縣侯。大象初，以疾去職，隋開皇元年卒。

南齊武帝 高帝長子，名賾，字宣遠。帝卽位，留心政事，郡縣久於其職。永明之世，百姓豐樂，盜賊屏息。在位十一年崩，諡武，廟號世祖，年號永明。

北魏孝文帝 獻文帝長子，名宏，後改姓元，好爲文，卽位之後，

大興文治。均民田，制戶籍，修明堂辟雍靈臺，行郊廟之禮。舉養老籍田之制，又憎國俗之陋，遷都洛陽，冀變舊風，禁胡服胡語；在位二十九年崩，諡孝文，廟號高祖，紀元三：延興，承明，太和。

北齊文宣帝 神武帝次子，名洋，字子進。魏武定中累封齊王，進相國，總百揆。尋廢孝靜帝而自立，在位十年崩，諡文宣，廟號顯祖，年號天保。

宋武帝 宋開國之帝，彭城人，徙京口，姓劉氏，名裕。晉安帝時爲下邳太守。破桓立，滅後秦，累封宋公。晉元熙初，受禪於建康，國號宋。在位三年崩。

梁簡文帝 名綱，字世縉，武帝第三子，昭明太子母弟也。天監五

年，封晉安王。大通三年，立爲皇太子。四年遷移東宮。太清三年，高祖崩，卽皇帝位，在位二年。

邱遲字希範，烏程人，靈鞠之子，在齊以秀才累遷殿中郎。武帝平建業，引爲驃騎主簿。及踐祚，遷中書侍郎，後出爲永嘉太守。在郡不稱職，爲有司所糾，帝愛其才，寢其奏。後還司空從事郎中。

王融字元長，僧達之子。躁於名利，自恃多才，三十內，望爲公輔。齊武帝疾融，以太孫不德，欲矯詔立竟陵王子良。西昌侯鸞奉鬱林卽位，鬱林怨融，卽位十餘日，收融下獄，賜死，年二十七。

任昉梁博昌人，字彥昇，八歲能屬文，王儉沈約皆稱之。武帝

時，爲黃門侍郎，出爲義興新安太守。所著文章，有名於世。

傅亮 宋人，字友季。博涉經史，尤善文辭。義熙中累官中書黃

門侍郎。武帝受禪，以佐命功封建成縣公。文帝卽位，進爵始興郡公。元嘉初見誅。

沈炯 字初明，吳興武康人，少有雋才，爲當世所重。文帝重其

才，欲寵貴之。會王琳入寇大雷，留異擁據東境。帝欲使炯因是立功，乃拜中丞，加明威將軍，遣還鄉里，收合徒衆，以疾卒於吳中。

江總 字總持。陳人，仕梁歷太子中舍人。侯景之亂，流寓嶺南

，入陳爲太子詹事。後主卽位。擢僕射尚書令，不持政務，日與後主游宴後庭，多爲艷體詩，號爲狎客。後卒江都，世稱江

令。

陸機晉吳郡人。字士衡。少有異才，文章冠世，服膺儒術，非禮不動。太康末，與弟雲俱入洛。張華素重其名，曰：『伐吳之役，利獲二俊。』後事成都王穎。穎起兵，假機後將軍河北大都督。牽秀等忌之，譖機有異志，遂被誅。

劉峻梁人，字孝標。好學安貧，耕讀不輟。天監初，典校秘書。安成王秀引爲戶曹參軍，使撰類苑，未成，以疾去。普通中卒，門人謚曰立靖先生。

劉孝儀梁人，字號里籍待攷。

庾肩吾梁新野人，字子慎。八歲能賦詩。初爲晉安王國常侍，簡文卽位，爲庶支尚書。後侯景將宋子仙破會稽，購得肩吾，欲

殺之。先謂曰：『吾聞汝能作詩，今可卽作；若能，將貸汝命。』肩吾操筆便成，辭采甚美。子仙乃釋以爲建昌令，仍問道奔江陵，歷江州刺史。封武康縣侯卒。有書品，文集。

謝眺 字玄暉，除郡人。少有美名。謁豫章王，行參軍，稍遷至尙書吏部郎，兼知衛尉事。江祐等謀立始安王遙光，眺不肯。祐白遙光，光收眺，下獄死。

陶弘景 梁秣陵人，字通明。善棋琴，工草隸。未弱冠，齊高帝引爲諸王侍讀。後隱於句容句曲山，自號華隱居，嘗造渾天儀。武帝卽位，每有吉凶征討大事，無不諮詢，時人謂之山中宰相。
• 年五十五無病而卒，或傳其仙去。諡貞白先生。

何遜 梁人，字仲言。天監中爲尙書水部郎。南平王偉荐之武帝

，與吳均俱進幸。後稍失意，帝曰：『吳均不均，何遜不遜，吾有朱異，信則異矣。』自是希復得見，卒。南平王迎其柩而葬焉。

吳均，梁人，字叔庠。家世寒賤，至均好學有俊才，柳暉荐之於臨川王。王稱之於武帝，召見賦詩。奉朝請，嘗撰齊春秋，稱帝爲齊明佐命。帝惡其實錄，勅付省焚之。後令作通史，未成卒。

陳後主，名叔寶，宣帝子。荒淫無度，隋師至，猶奏伎行樂。隋將擒韓虎入朱雀門，始與張孔二妃匿於胭脂井。引之出，俘至長安。

伏知道，平昌安邱人，梁武康令挺之子。